

## POLELO YA PHATLALATŠO YA DITABA KA SARS

**Tshwane, Cape Town, 16 Julae 2024** — Khomišinare wa Ditirelo tša Motšhelo tša Afrika Borwa (SARS), Mra. Edward Kieswetter o laeditše maikutlo ka go leboga balefela motšhelo bao ba ikgokagantšego le SARS mo dibekeng tše pedi tša go feta. Go akaretšwa bao ba bego ba tšea karolo go Setlha sa go Faela sa Motšhelo wa Batho ka noši sa 2024 seo se thomilego maabane, ka la 15 Julae 2024 gape se tlo tšwelapela go fihla ka la 21 Oktobore 2024 ke la 20 Janaware 2025 bakeng sa balefela motšhelo bao e sego ba sebakanyana le bao e sego ba sebakanyana, ka tatelano.

Khomišinare Kieswetter o tiišeditše gore “Go ya ka leano la rena la go tšweletša mokgwatšhomo wa motšhelo le Khasetomo leo le theilwego ka obamelo ka boithaopo, ka tirišanommogo le batho, data le theknolotši, re tšwelapele go mpshafatša di sesteme tša rena. Re tšwelapele go šoma le go fana ka maitemogelo a go hloka tšhitišo, maatlafatša le go kgontšha balefela motšhelo, fao motšhelo o diragalago go dimilione tša maAfrika Borwa. Re dira ka boomo ka go dira gore Setlha sa go Faela e se be tiragalo”.

Palo ya go batamele 150 million ya direkhoto tša data ya maloko a boraro di dirilwe lenyaga, tšeo di šomago bjale ka kago ya Setlha sa go Faela. Go tšweletša Data ya bolumu Entši ka tirišo ya bohlae bja ekišo le thuto-metšhene ya dipalopalo tša khomphutha di kgontšha SARS go lekola ka othomethiki palo e kgolo ya balefela motšhelo, go tlaletša ruri dipušetšo tše dintši, go kaonafatša potego ya ditsebišo tša balefela motšhelo, le go nolofatša maitemogelo a balefela motšhelo.

Mo matsatšing a 14, palo ya go feta 5 million ya balefela motšhelo e itemogetše tekolo ya rena ya *Auto Assessment*, ka 99.13% yeo e amogetšego dipoelo ntle le go dira diphetogo dife goba dife. Dipušetšo tša tšhelete tša palo ya R10 billion go ya go 1.6 million ya ditlatšo tšeo di dirilwego ka *auto-assessment* di šetše di lefetšwe ka palogare ya pušetšo ya tšhelete ya R5900.00.

“Re feditše dipušetšo tše tša ngwaga ka ngwaga le ditekolo tša motšhelo mola, sammaletee, re sepetša poelo ya tekolo enngwe le ennwe ka bokgoni bja rena bja go kgesa kotsi ya obamelo le bomenetša bja motšhelo. Tšohle di a kgonagala ka lebaka la dipeeletšo tšeo re kgonneggo go di dira ka koketšo le katološo ya tirišo ya data ya leloko la boraro mo mengwageng ye mmalwa ya go feta. Ngwagola, mošomo wo o le tee o tlaleditše ka R100 billion go fisikase ka thibelo ya dipušetšo tša ditefelo tšeo di sa dumelelwago, Ntle le dikatlego tše, ke dumela gore re ka dira tše dintši,” gwa bolela Khomišinare Kieswetter.

Morago ga go bula Setlha sa go Faela maabane, ka la 15 Julae 2024, dipušetšo tše 191 000 di šetše di faetšwe gomme tše 183 000 (9%) di faetšwe ka ditšithale ka eFiling le MobiApp mola tše 7 700 (3%) di be faetšwe ka Disenthara tša rena tša Ditirelo tša Motšhelo. Fao tša palo ya 90% di tšweleditšwego mo metsotswaneng ye 5.

SARS e tšwelapele go katološa tirelo ya yona ya go fana ka thuto ya go itirela ka bowena ka SARS TV YouTube Channel le wepsaete ya SARS go fana ka tshedimošo le phihlelelo e bonolo ya go fana ka tlhalošo go balefela motšhelo. “Re bone badiriši ba millione o tee ba diriša dithuto tše mo dibekeng tše pedi tša go feta, ka go tšweletša tebo ya leano la rena la go fana ka hlathollo le tiišetšo go balefela motšhelo,” o tšwetšepele ka go realo.

Go latela Ponelopele ya SARS ya kago ya SARS YA BOHLALE, YA SEBJALEBJALE, ya bohlale bja go se sodiše, re mpshafatša diplaftomo tša rena tša ditšithale ka dikaonafatšo tše mmalwa le ditirišo tša tlaleletšo go kgontšha balefela motšhelo go obamela boitlamo bja bona ga bonolo, ntle le ditšhitišo go kae kapa kae.

Diplatfomo tša SARS tša ditšithale di itemogetše dikamano tše 16 million mo dibekeng tše pedi tša go feta ka dikanale tša SARS eFiling, MobiApp, Lwazi Chatbot, Help-You-eFile, SARS Online Query System, tirelo ya USSD (ya go se diriše dimatefounu), dikgokaganyo tša leago le kanale empsha yeo e tlhomilwego ya WhatsApp (e na le matšatši a mararo), ka fao se se tla fokotša ka mo go kgonegago gore balefela motšhelo ba se etele goba go letšetša diofisi tša rena. *SARS Online Service* ke platfomo ya onelaene ya go dirišwa gabonolo ya go hwetšagala go wepsaete ya SARS (<https://tools.sars.gov.za/soqs>). WhatsApp e ka fihlelelwa ka go boloka nomoro ya SARS WhatsApp (0800 11 7277) le go romela molaetša le go latela ditaetšo. Ga go hlokege go etela lekala la SARS.

Pele o ka etela Ofisi ya SARS, leka pele dikanale tša rena tša boitirelo:

- Etela SARS eFiling go wepsaete ya rena ya [www.secure.sarsefiling.co.za](http://www.secure.sarsefiling.co.za)
- Taonelouta SARS Mobi app go tšwa go Google Play goba Apple Stores
- Letšetša nomoro ya USSD - \*134\*7277# go botšiša ka maemo a bona le dintlha tše dingwe
- Bolela le SARS ka nomoro ya WhatsApp ya - 0800 11 7277
- Hwetša SARS On-line Query System (SOQS) go wepsaete ya rena [www.sars.gov.za](http://www.sars.gov.za)
- Etela matlakala a rena a dikgokaganyo tša leago go Facebook, LinkedIn, SARS TV – YouTube and X (Twitter) fao o tla hwetšago di video tša boitirelo le ditlhahli tša kgato ka kgato.
- Letšetša Contact Centre ya rena gomme o kgethe Help You eFile pele o ka leba go Mofana ka Tirelo

- Dira peeletšo ya kopano ge eba ka moka di a pala go dira dikamano tša go bolela ka go bontšha sefahlego, mogala goba go ya ka sebele go Senthara ya Ditirelo tša Motšhelo
- Bjale ka kgetho ya mafelelo re ka se tsoge re bušeditše molefela motšhelo morago ge a ka tla disenthareng tša rena tša *Taxpayer Service Centre*, e be e le gore ba ikemišeditše go ema.

Diplatfomo tše tša ditšithale tša go iterela ka bowena di kgontšha balefela motšhelo go:

- Romela potšišo ya kabelo ya tefelo.
- Kgopela nomoro Tšhupetšo ya Motšhelo
- Romela ditokumente tša thekgo ge eba SARS e go kgopetše go dira bjalo.
- Dira pego ya kgetsi e mpsha ya bohwa.
- Mpshafatša moemedi yo a ngwadišitšwego.
- Dira kgopelo ya maemo a bona a obamelo ya motšhelo.
- Tiišetša maemo a bona a obamelo; gomme
- O lekole ge eba ba swanetše ka tekolo ya *Auto Assessment*

“Ntle le hwetšagalo ya diplatfomo tša ditšithale, SARS e beakantše Disenthara tša rena tša Ditirelo tša Balefela motšhelo (*Taxpayer Service Centres*) le Bafana ka Tirelo (*Service Consultants*) go direla balefela motšhelo bao ba hlokago thušo ya go obamela boitlamo bja bona ka dikanale tša ditirelo dife goba dife tše di hwetšagalago — dikamano tša mogala, ditlhagišo tša inthanete goba dipeeletšo tša go ya ka sebele, ditheminale tša go itirela ka bowena ka diofising tša SARS, le Diyuniti tša go thwethwa tša Motšhelo tše di beilwego setšhabeng le mafelong a itšeng. Re file ditirelo go balefela motšhelo ba 330 000 mo dibekeng tše pedi tša go feta,” o boletše bjalo.

SARS gape e tšwelapele go katološa bokgoni bja yona bja go kgesa le go thibela go se obamele ka go oketša tirišano le katološo ya bobedi SARS le tshedimošo ya leloko la boraro, ka tsepelelo ya go se obamele bjalo ka le go se laodiše ka botlalo ga balefela motšhelo bao ba sa obamelego ka go hlokomologa, ka boomo, goba ka go gwaba, goba ka bosenyi gore ba se obamele.

Khomišinare Kieswetter o lemošitše balefela motšhelo kgahlanong le bomenetša bjo bo goletšego godimo. O boletše gore: “SARS e ka se tsoge e kgopetše balefela motšhelo go fana ka dintlha tša bona tša go pankha goba tša dikarata tša kherediti gape ga e šome ka dilinki tše di kgopelago balefela motšhelo go tsenya dintlha tša bona go *hyperlink*.” O

boletše gore SARS e diriša fela wepsaete ya ([www.sars.gov.za](http://www.sars.gov.za) gape ga go na aterese enngwe. O ipileditše go balefela motšhelo go ntšha mahlo dinameng gape go fihlelela wepsaete ya SARS go tiišetša bonnete bja tshedimošo efe goba efe yeo e belaetšago.

“Dibeke tše mmalwa tše di latelago diofisi tša SARS di tlo šoma kudu ka maatla ka ge re tla be re amana le go direla balefela motšhelo mo nageng ka bophara. Re kwešiša gore balefela motšhelo ba bangwe ba na le maikemišetšo a go faela dipušetšo tša bona, gape ba bantši ba letetše goba ba holofela go hwetša pušetšo ya tšhelete, ka lebaka la go faela. Ka lebaka leo, re letetše gore go ka ba le mabaka ao go ka bago le methaladi ye metelele le go ema sebaka se se telele mathomong a Setlha sa go Faela. Ntle le didirišwa tša rena tše di kgaoleditšwego le bokgoni, re na le boitshepho bja magato ao re a tšeerego go thekga nepo ya leano la rena le go tšwelapele ka go gatela pele go fana ka tirelo ya go hloka tšhitišo, maatlafatša le go kgontšha maitemogelo a balefela motšhelo, fao motšhelo o diragalago go maAfrika Borwa a mantši,” o phethile ka go realo.

Go hwetša tshedimošo enngwe, ikgokaganye le [SarsMedia@sars.gov.za](mailto:SarsMedia@sars.gov.za)